

地800
8945

黔行水程記

附石仔紀景詩廿首

朱桂老惠存

黔行水程記



黔行水程記自敘

灕陽旅館我心傷悲夷州山衙方寸尤亂窮冬忽忽無以爲生自念奔走天涯當知珍重戚戚終日實曰非宜乃於春閒取當年舊作重事推敲定爲陋巷集一卷春夢集一卷詩餘一卷夏閒讀晉書集錄記金石一卷記異聞一卷秋閒成漫錄一卷石阡物產記一卷寒冬無事檢上年舟中日記詳其夷險證以見聞復成黔行水程記一卷以支離憔悴之身當落寞窮愁之地不惜此三百餘日光陰盡消磨於筆硯閒者豈爲著述計耶以寬吾心以遣吾興而已此書旣成吾將理行裝問歸程返我故鄉與家人相聚出此七八卷書以示吾弟也姪也以贈吾友與朋也見吾之書可知萬里之外一年之中吾一身之宦況矣他日返旆春明移舟鄂渚未來之事又不知將何如也光緒二十二年十一月志青自書



黔行水程記



天津孟繼堦志青箸

光緒二十年甲午臘月奉 命出守石阡次年乙未二月出京師到籍小住一月以三月十七日夜十一鐘由津搭輪船以行船名連陞是夜蘊清族祖士林弟悅山姪及大二三四五諸姪登舟送別

十八日微雨早由紫竹林開船午後四鐘出大沽口

十九日早十鐘至煙台停泊三時許晚五鐘開船

二十日過黑水洋水色清碧與傳聞如墨者迥別

黔行水程記

一

屏廬續刻

二十一日早微雨午後入吳淞口五鐘抵滬投寓於三洋涇橋泰安客棧一路風平浪靜毫無所苦船中遇故友謝子石同年之壻及姪

二十二日吳紹伯大令宗周

貴州大批知縣因解鉛來京結伴

攜其姪

來訪鄉人紀錦齋兄招飲午後族聯浦弟繼珠來訪

晚招飲燈下作家書

二十三日早趙翰墀姻弟來訪晚聯浦弟復招飲

二十四日午後紀錦齋兄約遊愚園張園徐園三處晚留飲愚張兩園池臺亭榭皆極繁華並各色花木紅

綠鮮妍但一種塵氛未能免俗徐園自然幽雅地僻人稀尙有舊家風味是日於張園遇陳次亮同年熾別五年矣聞其次日北上

二十五日早鄉人張星橋兄招飲晚鄉人賈潤生兄招飲廉浦翰墀均來訪

二十六日早翰墀招飲午後廉浦攜兒輩遊愚張兩園吳遜之祖悌紹伯姪也來訪

二十七日早微雨廉浦招食鱒魚春筍瓢菜油菜鱸魚黃花魚麩條魚海蟹刀魚瓶魚豆腐枇杷

黔行水程記

二

屏廬續刻

二十八日早雨止自二十七日雨至夜檐溜尤急二十八日已刻漸歇午後新霽爲鄉人書扇三柄紹伯來訪鄉人劉子鶴大令樗壽爲癸酉年姪榜下以知縣分發江西晤於泰安棧次日赴九江矣賈潤生兄餽食物數種

二十九日晚紹伯招飲燈下小雨爲鄉人作隸書對聯是日定作蘭筆三支京國遙遙感別離暮春三月雨如絲此行慰我無多事江上鱒魚恰好時

三十日早鄉人汪林孫兄招飲路遇王夢九兄錫齡亦

鄉人時差次滬上晚夢九來訪

四月初一日廉浦來訪午後訪錦齋諸君均得晤林孫
送食物潤生送茶燈下寄大女大姪書

初二日午後五鐘上安慶江輪船錦齋送茶點錦齋廉
浦翰墀各登舟送別

初三日丑正開船午正至通州界四鐘至江陰界六鐘
至泰興界十一鐘至鎮江夜不能辨

初四日早至金陵小雨望城樓在指顧閒九鐘過采石
磯十一鐘至東西梁山午後二鐘至蕪湖晚十鐘至

黔行水程記

三

屏廬續刻

大通急雨

初五日寅正至安慶小雨八鐘至東流十鐘過馬當青
翠迴環山容如畫綠陰深處一簇村居江面至此開
闊異常波平似鏡想見當年王勃一帆風順時也十
一鐘過小孤山萬頃澄波一山中立天然奇峭好景
無雙片刻許至彭澤萬山重疊惟林巒煙雨而已午
後二鐘至湖口四鐘至九江舟由城下過百雉雄關
俯臨江面人煙輻湊山色排連形勢正復可愛八鐘
至武穴夜至蘄州途閒因雨未得望大孤山他日重

遊當留意也

初六日寅初過黃州惜夜深不見赤壁午初至漢口寓馬王廟上河街高陞棧 行大江三日許望南岸羣山岡巒起伏氣象萬千北岸則偶一見之無甚佳妙處也 安慶輪船管事人唐虞卿山東黃縣人與潤生廉浦相善舟中待客情意殷殷可感也 登江干酒樓望對岸武昌城郭如在目前惜黃鶴樓僅存遺址而已晚寄家函並致賈潤生廉浦弟一函 舟迴雲影天光裏人在斜風細雨閒三日江行最佳處馬

黔行水程記

四

屏廬續刻

當山映小孤山

初七日午後訪鄉人李仁甫劉樸臣兩兄於鮑家巷歸來細雨紛紛也漢口市面繁華與滬上無異惟街衢窄狹較吾津尤甚

初八日子刻急雨片刻許午後遇黔人戴壽臣太史秦仲友大令於客寓燈下寄胡虎臣駕部趙芝軒姻弟各一函

初九日午後沿江步行望檣帆如織居民樓房連亙凡數里許也

初十日得鐵開元泉一枚食江魚肥美其大者長數尺
十一日早微雨至午後止

十二日早吳紹伯偕其姪自滬來

十三日微雨午後頓熱燈下搦古泉寄大姪

十四日觀潮是日江水陡漲波翻浪捲襄漢爭流風起
濤來其聲如吼唐人不盡長江滾滾來句真寫得出
也燈下寄徐菊人太史一函

十五日雨至夕而止

十六日晤貴州試用縣丞高君鳳靈

字梧山
山陰人

於客寓

黔行水程記

五

屏廬續刻

十七日漢口鎮屬漢陽去城約五里

十八日午後上船船主李姓麻陽人俗謂麻陽船

十九日停泊

二十日早開船舟緣漢隄行隄以大石築成長數里其
工甚堅望隄上晴川閣古洗馬口濂溪祠見漢陽城
半面並過鸚鵡洲城與武昌對岸

二十一日夜雨至次日晨刻止見江豚長數尺出沒水
中其頭如豬色深黑隨波逐浪結隊而行

二十二日午後三鐘得順風舟行甚利至夜十一鐘始

停泊不知其處自漢口而下每日停泊之所地名不
過得其仿佛以土音難辨僅備記載而已

二十三日泊白鷺洲二水中分然非唐詩所指之地屬
嘉魚縣沿隄居民數百家有小船數隻開燈賣煙來
往於客舟之側內少婦一二人如花船也

二十四日泊新隄屬沔陽州市面長數里人煙輻湊商
賈數百家生意之盛與漢口略似

二十五日泊螺山屬荊州江陵縣去城六十里岸有吳
王廟戊刻雨至二十八日午後止

黔行水程記

六

屏廬續刻

二十六日舟自岳陽樓下過泊岳州城南五里許地名
南津口由此入洞庭矣岳州城臨大湖附郭而居人
家稠密樓上白扁額岳陽樓三字筆意古拙西行三
里有高塔危立與樓相映

二十七日守風南津口岸有小山漁者兩三家結茅棚
而居雨笠煙蓑扶耆弄網 望君山

二十八日出洞庭泊營田汎屬湘陰縣是日順風利甚
一日之間舟行二百里極目汪洋茫無涯涘一舟如
葉搖簸其中巨浪掀天長幾數丈舟中人皆變色危

坐其險異常至今思之猶爲心悸按洞庭古長八百里今中間淤出百數十里湖分爲二故有東湖西湖之名舟行東湖不過三百里惟居中二百里遇風爲險其前後皆有岸可依不似無邊大海也

二十九日泊人字口屬湘陰水分兩岔因以得名岸有洞庭廟鎮江門三四里人家鄰接

五月初一日泊沅江縣城外聞割麥插禾禽言

初二日泊楊閣老萬壽宮前屬龍陽縣 自過洞庭萬樹蔥蘢濃青夾岸其人皆編茅成屋引水澆田水色

黔行水程記

七

屏廬續刻

山光自是江鄉風景 樓閣野竹高柳長槐沿湖以千百計又有長條細植葉如刺梅花如白丁香叢雜而生垂垂於兩岸閒者可愛而不能識

初三日泊姚塘屬龍陽自午後雨至夜止

初四日泊牛鼻灘屬武陵縣

初五日泊常德府城下遠望城外有兩塔對岸而立卽到矣是日端陽城下居民鮮衣楚楚觀競渡而歸足見地方熱鬧首縣武陵

初六日停泊得大和泉一枚

初七月初八日皆停泊 常德府學牌坊景隆齋茶食
鋪葷葱餅滋味極佳雖都中不及也

初九日泊桃源縣山下漁舟獲鱒魚重三斤買而食之
鮮美無比是日酷熱

初十日早雨午後止泊桃源洞口外山重水複風景絕
佳昔日避秦之人祇今何許但見碧杉翠竹掩映參
差時有青綠水禽飛鳴枝葉閒樂意相關自成天趣
眞紅塵不到處也 由此入灘河河兩岸皆大山中
夾一水雄岡峻嶺起伏排連歷辰沅兩府直抵黔界

黔行水程記

八

屏廬續刻

凡千數百里名之曰河實則山澗深不過四五尺淺
止一二尺河底平鋪碎石大如斗而小如粟其大而
出諸水者則爲小山爲亂石卧於下者則如倒牆如
磴級淤出之地則石子成堆不啻億千萬萬計灘凡
數十處如清浪灘金絲洞高麗洞滿天星等皆著名
奇險舟行過此極半日之久數十人之力始得進遇
淺則舟閣於碎石之上亦非數十人推挽扶持不能
行其難如此格格然船底有聲一日不過行十里時
當炎暑天旱水乾雖有智者無所施其技矣至沿河

城郭皆負山面水無復繁華鄉居村落多則十餘家少則一、二家架木編茅荒涼殊甚自曹家溪入黔境尤爲蕭索不堪入目

十一日泊桃源界之寡婦山下

十二日泊絡緯屬辰州府沅陵縣是日由友人馮莘垞兄門外過

十三日泊沅陵界之荒山下地多菰蒲別無居人不知其名是日過清浪灘峻嶒怪石林立水閒中有口門其寬數尺溜爲亂石所逼直注而下其流甚急船行到此篙子皆爲色變汗水淋漓喫力可想岸有多人負緯而立船夫呼之來以助力過灘後每一人得碗米計數斗與之

十四日午初始聞雷泊楊家塘

十五日泊辰州府城門外觀競渡舟坐數十人各持短櫂分水而行數舟爭進以誇其速餘人或搗鼓或搖扇或粉墨塗面作種種醜態相爲嬉笑地當府治尙屬繁華士女遊觀扁舟容與自是南中景象

十六日泊舒溪口

十七日泊白龍巖下數山壁立景物蒼然秀拔雄奇絕無依傍其高千丈形如畫家之烘遠嵐有天外三峯之勢是日過馬駒崖崖勢高低相間渾如卧馬崖旁有兩穴相隔數十丈在半山之腰非人跡能到一穴中置木箱一置几案雖皆殘缺其器猶存相傳昔有仙人比鄰而居不知何年遺此其說雖由附會然亦自是奇觀又過瀘溪縣城下

十八日泊蒲市午後片刻雨

十九日泊王霸流是日過辰溪縣

黔行水程記

十

屏廬續刻

二十日泊上猛灘下

二十一日泊涼水港

二十二日泊青豆江讀屬黔陽縣

二十三日泊安江是日過楊王廟金絲洞此處河面甚寬中流旋轉舟至此隨溜而折動爲急溜打下極兩時許猶在廟前 廟甚雄整不知楊王是何時神明也

二十四日泊沙灣

二十五日泊紅江地爲川楚滇黔行商萃集之所市面

甚盛販土藥者於此分往各省有公所焉

二十六日停泊食楊梅每斤直十許錢紅而多酸

二十七日泊孫甸是日過大鷓鴣灘亂石之尖勻排水面以千百計遠望如鷓鴣點點也船欲過此必於石之空處盤繞而行方轉而之北又折而之東而南而西決無定向半日之久過此一里之程一經觸石不堪設想 船家名險灘爲狠灘前有狠處必候三五船至相輔而行始能前進俗謂搭幫遇險灘則合數船之人相爲料理一船旣過再助一船舊規如此

黔行水程記

十二

屏廬續刻

二十八日泊黔陽縣屬境山下不知其名是日過分水灘鄰舟閣淺甚久眾力牽挽不能動至羣下水背負之始行 縣城臨河河干有龍標書院甚修整旁有牌樓題龍標勝跡

二十九日泊長灘是日過高麗洞洞亦灘也最奇險河內橫排巨石形似大隄上流之水高於下流者凡五六尺兩石相夾中有缺口僅過行舟溜勢下趨幾如黃河落天聲力俱猛凡船行至此坐客皆下岸步行行李貨物重大者亦須盤運而下船之前後設四

大緯前兩緯用三十許人後兩緯十餘人於急湍亂流間極平生之力將船掉正直對口門方敢昂然前進水從上激船在下爭由卑而高直與升階無異其時船上篙工數輩左右枝梧面如土色其要者必須相度形勢尤在扶舵兩人稍偏則觸石略遲則退回一棄前功再上不易行路之難一至於此

三十日泊雨水灣

閏五月初一日泊馬耕坪居民深處有一小小衙署不知何官

黔行水程記

三

屏廬續刻

初二日泊芭蕉灘是日早雨

初三日泊沅州府城下舟過大橋橋凡十四空舟由下度必先去其桅自辰沅一帶直至黔境凡府縣城郭必臨河城外必有石橋一座處處皆然沅州河岸有定江觀樓閣參差亭臺軒爽居人遊眺於此足以騁懷

初四日停泊葶薺圓厚而高大甘美多漿一錢一枚枚重一兩是日府考自常德起沿途天氣甚旱至沅州適值求雨斷屠

初五日泊窩灘是日過官洞溜急纜斷舟順流直打而
下去如急箭一二里後始收住幸此處尙無亂石未
致沈觸然其險殊甚

初六日泊白馬洞口外是日過打瓜灘纜斷凡二次溜
勢奔騰極兩時許始得過

初七日泊慈灘外里許是日過白馬洞滿天星黃侯灘
慈灘皆險惡極甚四灘相去不及十里每上一灘必
須略爲停頓以舒人力自朝至暮歷此四灘夕陽西
下矣 凡灘之有險非河流轉彎卽紛排亂石皆須

黔行水程記

三

屏廬續刻

著力而其最險者則大石立其兩旁凹缺處所中爲
水道河流勇猛至此爲之一束如滿瓶之水僅於小
口瀉出逼之太急必出也突然此處行船殊非易易
日閒所過四灘凡此種種險惡無不悉備打頭之浪
挾怒氣以俱來逆水之舟必力爭而直上及其既過
彼船夫數輩莫不鼓舞歡欣相爲慶幸窺其意態似
可告無罪於坐客者客乃共慰其勞爲之色喜酬以
白酒誰曰不宜

初八日泊三門灘是日過曹家溪入黔境次日又入湘

境蓋插花地界從此始矣

附錄插花地說

插花地爲黔省一大流弊夫人而知矣乃閱四五百年之久官斯土者皆相率隱忍遷就以至於今而不思急爲經理者其故何耶自明初設立郡縣草創經營版圖未定後雖屢經改易叛服無常有苗之患實與前明一代相爲終始其時干戈擾攘經理未遑但冀蠹爾苗蠻無勞撻伐至於分疆畫井仍俟徐圖洎我朝定鼎以來今二百數十餘

黔行水程記

十四

屏廬續刻

年寄籍遷流漢苗雜處雖生其閒者食毛踐土懷德畏威而日久相沿不忘積習地則深山大壑最易藏奸人則好殺喜兵成爲故事地界之不清實由民情之易動慮其擾而生變適以縱而養奸姑息目前有由來矣鄙人石阡出守一載於茲於黔省情形略知一二試卽石阡一處言之去城十餘里卽爲鎮遠屬境而鎮遠城外二十里又分屬石阡郡治所轄之地北至江外迎仙一帶極四百八十餘里之遙不可謂不廣而此四百八十里內則